



SLUŽBENE NOVINE

KANTONA SARAJEVO

Godina XXV - Broj 5

Četvrtak, 13. 2. 2020. godine
SARAJEVO

ISSN 1512-7052

KANTON SARAJEVO

Vlada Kantona Sarajevo

Na osnovu člana 54. stav (2) tačka 2. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i čl. 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), a vezi sa članom 23. Zakona o Agenciji za prevenciju korupcije i koordinaciju borbe protiv korupcije ("Službeni glasnik BiH", br. 103/09 i 58/13), Vlada Kantona Sarajevo, na 57. sjednici održanoj 06.02.2020. godine, donijela je

UREDBU

O IZMJENI I DOPUNAMA UREDBE O OSNIVANJU UREDA ZA BORBUTIV KORUPCIJE I UPRAVLJANJE KVALITETOM KANTONA SARAJEVO

Član 1.

(Izmjena i dopuna člana 2.)

- (1) U Uredbi o osnivanju Ureda za borbu protiv korupcije i upravljanje kvalitetom Kantona Sarajevo ("Službene novine Kantona Sarajevo", br. 7/18 i 21/19) u članu 2. stav (1) dodaje se nova tačka b) koja glasi:
- (2) "b) kontrolom javnih nabavki koja podrazumijeva kontrolu zakonitosti i kontrolu svrsishodnosti svih javnih nabavki koje provode ugovorni organi čiji je osnivač Kanton Sarajevo".
Dosadašnje tač. b) i c), postaju tač. c) i d).

Član 2.

(Novi član 2b.)

Iza člana 2a. dodaje se novi član 2b. koji glasi:

"Član 2b.

(Kontrola javnih nabavki)

Kontrola javnih nabavki podrazumijeva kontrolu planiranja javnih nabavki, provođenje postupaka javnih nabavki i realizacije ugovora o javnim nabavkama, a naročito kontrolu zakonitosti i svrsishodnosti:

- a) budžetske opravdanosti planirane nabavke,
- b) plana nabavke i svih odnosnih pitanja,
- c) izvršenog istraživanja tržišta,
- d) pripreme tenderske dokumentacije,

- e) svih aktivnosti vezanih za vođenje postupka javne nabavke od trenutka pokretanja postupka do zaključenja ugovora o javnoj nabavci uključujući i stanje žalbenih postupaka,
- f) zaključenih ugovora o javnoj nabavci,
- g) toka izvršenja ugovora o javnoj nabavci,
- h) izvršenih i plaćenih ugovora o javnoj nabavci".

Član 3.

(Ovlaštenje za izradu prečišćenog teksta)

Ovlašćuje se Ured za zakonodavstvo Vlade Kantona Sarajevo da utvrdi Prečišćeni tekst Uredbe o osnivanju Ureda za borbu protiv korupcije i upravljanje kvalitetom Kantona Sarajevo, u roku od šest mjeseci od dana stupanja na snagu ove uredbe.

Član 4.

(Stupanje na snagu)

Ova Uredba stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-2751-41/20

06. februara 2020. godine
Sarajevo

Premijer

Edin Forto, s. r.

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst, 37/14 - Ispravka), i člana 10. stav 2. Uredbe o proceduri u slučaju prekobrojnosti ("Službene novine Kantona Sarajevo", broj 38/19), Vlada Kantona Sarajevo, na 57. sjednici održanoj 06.02.2020. godine, donijela je

RJEŠENJE

O IZMJENI RJEŠENJA O IMENOVANJU KOMISIJE ZA ODREĐIVANJE PREKOBROJNOSTI

I

Rješenje o imenovanju Komisije za određivanje prekobrojnosti broj 02-05-37269-26/19 od 17.10.2019. godine, u tački I "2. Pašić Almir - član" mijenja se i glasi "2. Kekić Almir - član."

II

Ostali dio rješenja ostaje neizmijenjen.